

গণপ্রজাতন্ত্রী বাংলাদেশ সরকার
তথ্য অধিদফতর
বাংলাদেশ সচিবালয়
ঢাকা

সংবাদ গতিধারা

ঢাকা, বৃহস্পতিবার ১০ নভেম্বর ২০১৬, ২৬ কার্তিক ১৪২৩

আজকের দৈনিক পত্রিকাগুলো নিম্নলিখিত বিষয়গুলোকে প্রাধান্য দিয়ে খবর ছেপেছে :

- ১। দেশি-বিদেশি বিনিয়োগ আকৃষ্ট করে কর্মসংস্থান সৃষ্টি করুন : বিআইডিএ কর্তৃপক্ষকে প্রধানমন্ত্রী
- ২। মার্কিন যুক্তরাষ্ট্রের নবনির্বাচিত প্রেসিডেন্ট ডোনাল্ড ট্রাম্পকে রাষ্ট্রপতি ও প্রধানমন্ত্রীর অভিনন্দন
- ৩। দেশের মানুষের কল্যাণে কাজ করুন : নেতাকর্মীদের উদ্দেশে প্রধানমন্ত্রী
- ৪। রাষ্ট্রপতির সঙ্গে মিয়ানমারের বিমানবাহিনী প্রধানের সাক্ষাত
- ৫। জিএসপি সুবিধা ফিরে পেতে পুনরায় আবেদন করা হবে : ডোনাল্ড ট্রাম্পের জয় প্রসঙ্গে অর্থমন্ত্রী
- ৬। শ্রীলঙ্কা বাংলাদেশের সঙ্গে এফটিএ স্বাক্ষরে আঘাতী : বাণিজ্যমন্ত্রী
- ৭। ব্রাক্ষণবাড়িয়ার নাসিরনগরে দ্রুত বিচার আইনে হামলাকারীদের বিচার হবে : স্বাস্থ্যমন্ত্রী
- ৮। ঢাকা-চট্টগ্রাম এলিভেটেড এক্সপ্রেসওয়ে হচ্ছে : সড়ক পরিবহণ ও সেতুমন্ত্রী
- ৯। চলতি বছরের ডিসেম্বরে রাজউকের উত্তরা প্রকল্পের ফ্ল্যাট হস্তান্তর : গৃহায়ন ও গণপূর্তমন্ত্রী
- ১০। ৪৮ ঘন্টার মধ্যে টঙ্গীতে তুরাগ নদের ভরাট বন্ধ ও স্থাপনা উচ্ছেদের নির্দেশ
- ১১। শহিদ নূর হোসেন দিবস আজ

- ১। **দেশি-বিদেশি বিনিয়োগ আকৃষ্ট করে কর্মসংস্থান সৃষ্টি করুন : বিআইডিএ কর্তৃপক্ষকে প্রধানমন্ত্রী**
প্রধানমন্ত্রী শেখ হাসিনা নবগঠিত বাংলাদেশ বিনিয়োগ উন্নয়ন কর্তৃপক্ষকে (বিআইডিএ) দেশি-বিদেশি বিনিয়োগ আকৃষ্ট করে কর্মসংস্থান সৃষ্টির মাধ্যমে দেশের অর্থনৈতিকে শক্তিশালী করতে প্রয়োজনীয় সব ধরনের পদক্ষেপ গ্রহণের আহ্বান জানিয়েছেন। প্রধানমন্ত্রী বলেন, আমাদের দেশি-বিদেশি বিনিয়োগ আরও বৃদ্ধি করতে হবে। প্রধানমন্ত্রী শেখ হাসিনা গতকাল ৯ নভেম্বর বুধবার তার কার্যালয়ে বাংলাদেশ বিনিয়োগ উন্নয়ন কর্তৃপক্ষের (বিআইডিএ) গভর্নিং বোর্ডের প্রথম সভায় এ কথা বলেন। সূত্র-সংবাদ (শেষ পৃ.,ক.২), জনকৃষ্ণ (শেষ পৃ.,ক.৬), নিউজ টুডে (শেষ পৃ.,ক.৬), এশিয়ান এজ (শেষ পৃ.,ক.১) এশিয়ান এজ এ বিষয়ে ছবিসহ খবর ছেপেছে।
- ২। **মার্কিন যুক্তরাষ্ট্রের নবনির্বাচিত প্রেসিডেন্ট ডেনাল্ড ট্রাম্পকে রাষ্ট্রপতি ও প্রধানমন্ত্রীর অভিনন্দন**
মার্কিন যুক্তরাষ্ট্রের ৪৫তম প্রেসিডেন্ট নির্বাচিত হওয়ায় ডেনাল্ড ট্রাম্পকে অভিনন্দন জানিয়েছেন রাষ্ট্রপতি মো. আবদুল হামিদ ও প্রধানমন্ত্রী শেখ হাসিনা। ট্রাম্পের জয়ে দু'দেশের দ্বিপক্ষীয় সম্পর্ক আরো জোরদার হবে বলেও আশা প্রকাশ করেছেন তারা। গতকাল ৯ নভেম্বর বুধবার গণমাধ্যমে পাঠানো এক অভিনন্দন বার্তায় রাষ্ট্রপতি মো. আবদুল হামিদ বলেন, ডেনাল্ড ট্রাম্পের নেতৃত্বে যুক্তরাষ্ট্র শান্তি ও অগ্রগতির পথে আরো এগিয়ে যাবে। ডেনাল্ড ট্রাম্পের সময় বাংলাদেশের সঙ্গে যুক্তরাষ্ট্রের সম্পর্ক আরো সম্প্রসারিত হবে। ডেনাল্ড ট্রাম্পকে অভিনন্দন জানিয়েছেন প্রধানমন্ত্রী শেখ হাসিনা। ট্রাম্প ও তার স্ত্রী মেলানিয়াকে বাংলাদেশে আসার আমন্ত্রণও জানান। প্রধানমন্ত্রী আশা করেন, তার জয়ে দু'দেশের দ্বিপক্ষীয় সম্পর্ক আরো জোরদার হবে। সূত্র-ভোরের কাগজ (পৃ.১,ক.৮), সমকাল (পৃ.১,ক.১), অবজারভার (পৃ.১,ক.১), এশিয়ান এজ (পৃ.১,ক.১)।
- ৩। **দেশের মানুষের কল্যাণে কাজ করুন : নেতাকর্মীদের উদ্দেশে প্রধানমন্ত্রী**
দলের নেতাকর্মীদের উদ্দেশে প্রধানমন্ত্রী বলেছেন, রাজনীতি নিজের জন্য না, করতে হবে দেশের জন্য, মানুষের কল্যাণের জন্য। দেশের মানুষের জন্য কাজ করাই আওয়ামী লীগের একমাত্র লক্ষ্য বলেও উল্লেখ করেন তিনি। যে কোনো ধরণের সন্ত্রাস, অশুভ শক্তি মোকাবিলা করতে জনগণকে সঙ্গে নিয়ে ঐক্যবন্ধবাবে কাজ করতে নেতাকর্মীদের নির্দেশ দিয়েছেন প্রধানমন্ত্রী শেখ হাসিনা। গতকাল ৯ নভেম্বর বুধবার গণভবনে আওয়ামী লীগের কার্যনির্বাহী সংসদ ও উপদেষ্টা পরিষদের যৌথসভায় তিনি এসব কথা বলেন। সূত্র-ভোরের কাগজ (পৃ.১,ক.৫), জনকৃষ্ণ (পৃ.১,ক.৫), অবজারভার (পৃ.২,ক.১), নিউ এজ (শেষ পৃ.,ক.১)।
- ৪। **রাষ্ট্রপতির সঙ্গে মিয়ানমারের বিমানবাহিনী প্রধানের সাক্ষাত**
মিয়ানমারের বিমানবাহিনীর প্রধান জেনারেল খিন আউং মিয়ন্ত গতকাল ৯ নভেম্বর বুধবার বঙ্গভবনে রাষ্ট্রপতি মো. আবদুল হামিদের সঙ্গে সাক্ষাত করেছেন। রাষ্ট্রপতি বলেন, বাংলাদেশ উন্নতমানের সামরিক প্রশিক্ষণ দিচ্ছে এবং বিভিন্ন দেশের সামরিক কর্মকর্তারা এখানে প্রশিক্ষণ নিচ্ছে। তিনি বলেন, বাংলাদেশে প্রশিক্ষণ গ্রহণে মিয়ানমার প্রতিরক্ষা বাহিনীর জন্য অনেক সুযোগ রয়েছে এবং মিয়ানমার এই সুযোগ কাজে লাগাতে পারে। তিনি বলেন, এতে দু'দেশের প্রতিরক্ষার ক্ষেত্রে সম্পর্ক আরও বৃদ্ধি পাবে। সূত্র-জনকৃষ্ণ (পৃ.৩,ক.৩), এশিয়ান এজ (পৃ.৩,ক.৫), নিউজ টুডে (পৃ.৩,ক.৪)।
- ৫। **জিএসপি সুবিধা ফিরে পেতে পুনরায় আবেদন করা হবে : ডেনাল্ড ট্রাম্পের জয় প্রসঙ্গে অর্থমন্ত্রী**
মার্কিন যুক্তরাষ্ট্রের নতুন প্রেসিডেন্ট ডেনাল্ড ট্রাম্প দায়িত্ব নেওয়ার পরে তার কাছে জেনারেলাইজড সিস্টেম অব প্রেফারেন্স (জিএসপি) সুবিধা ফিরে পেতে নতুন করে আবেদন করা হবে বলে জানিয়েছেন অর্থমন্ত্রী আবুল মাল আবদুল মহিত। গতকাল ৯ নভেম্বর বুধবার সচিবালয়ে মন্ত্রিপরিষদ সভাকক্ষে অর্থনৈতিক বিষয় সংক্রান্ত মন্ত্রিসভা কমিটির বৈঠক শেষে তিনি এ কথা জানান। সূত্র-সংবাদ (শেষ পৃ.,ক.১), ভোরের কাগজ (শেষ পৃ.,ক.৫), নিউ এজ বিজনেস পাতা (পৃ.১,ক.২)।

৬। **শ্রীলঙ্কা বাংলাদেশের সঙ্গে এফটিএ স্বাক্ষরে আগ্রহী : বাণিজ্যমন্ত্রী**

শ্রীলঙ্কা বাংলাদেশের সঙ্গে ফ্রি ট্রেড এগ্রিমেন্ট (এফটিএ) স্বাক্ষরে আগ্রহ প্রকাশ করেছে বলে জানিয়েছেন বাণিজ্যমন্ত্রী তোফায়েল আহমেদ। তিনি বলেন, প্রয়োজনীয় আনুষ্ঠানিকতা সম্পন্ন করে শ্রীলঙ্কা বাংলাদেশের সঙ্গে এফটিএ স্বাক্ষর করবে। এফটিএ স্বাক্ষর করলে কম দামে বিশ্বমানের পণ্য সরবরাহ করবে বাংলাদেশ। এর ফলে শ্রীলঙ্কার বাজারে বাংলাদেশের পণ্য রপ্তানি বেড়ে যাবে। গতকাল ৯ নভেম্বর বুধবার শ্রীলঙ্কার কলম্বোয় হোটেল সিন্ডমোন লেকসাইডে বাংলাদেশ-শ্রীলঙ্কা জয়েন্ট ইকোনমিক কমিশনের (জেইসি) ৫ম সভায় তিনি এসব কথা বলেন। সূত্র-সংবাদ (পৃ.২,ক.৮), যুগান্তর (পৃ.১৫,ক.৭), এশিয়ান এজ (পৃ.১১,ক.৮)।

৭। **ব্রাক্ষণবাড়িয়ার নাসিরনগরে দ্রুত বিচার আইনে হামলাকারীদের বিচার হবে : স্বাস্থ্যমন্ত্রী**

স্বাস্থ্যমন্ত্রী মোহাম্মদ নাসিম বলেছেন, নাসিরনগরে হিন্দুদের মন্দির বাড়িয়ারে হামলাকারীদের দ্রুত বিচার আইনে বিচার করা হবে। সরকারকে বিব্রত করতেই এ ঘটনা ঘটানো হয়েছে। এদের কোনো ছাড় দেওয়া হবে না। গতকাল ৯ নভেম্বর বুধবার সাড়ে চারটার দিকে নাসিরনগরে ঘটনাস্থল পরিদর্শন শেষে স্থানীয় গৌর মন্দিরে ১৪ দল আয়োজিত সভায় এসব কথা বলেন তিনি। মন্ত্রী বলেন, যেসব মন্দির ক্ষতিগ্রস্ত হয়েছে সেগুলো ঠিক করে দেওয়া হবে। ক্ষতিগ্রস্ত ব্যক্তিদের সহায়তা করা হবে। সূত্র-ভোরের কাগজ (পৃ.১,ক.২), জনকর্ত (শেষ পৃ.,ক.১), যুগান্তর (শেষ পৃ.,ক.২)।

৮। **ঢাকা-চট্টগ্রাম এলিভেটেড এক্সপ্রেসওয়ে হচ্ছে : সড়ক পরিবহণ ও সেতুমন্ত্রী**

ঢাকা থেকে চট্টগ্রাম পর্যন্ত ২০০ কিলোমিটার দীর্ঘ এলিভেটেড এক্সপ্রেসওয়ে নির্মাণ করা হচ্ছে। এই প্রকল্পটি নির্মাণে আগ্রহ প্রকাশ করেছে চীন সরকার। এক্সপ্রেসওয়েটি নির্মিত হলে মাত্র আড়াই ঘন্টায় ঢাকা থেকে চট্টগ্রাম পৌঁছানো যাবে বলে জানিয়েছেন সড়ক পরিবহণ ও সেতুমন্ত্রী ওবায়দুল কাদের। গতকাল ৯ নভেম্বর বুধবার রাজধানীর বনানী সেতু ভবনে বাংলাদেশে নিযুক্ত চীনের রাষ্ট্রদূত মা মিং চিয়াংয়ের সঙ্গে সাক্ষাত শেষে তিনি এ তথ্য জানান। সূত্র-সংবাদ (পৃ.১,ক.৫), সমকাল (পৃ.২,ক.৫), নিউ এজ বিজনেস পাতা (পৃ.৪,ক.১)।

৯। **চলতি বছরের ডিসেম্বরে রাজউকের উত্তরা প্রকল্পের ফ্ল্যাট হস্তান্তর : গৃহায়ন ও গণপূর্তমন্ত্রী**

চলতি বছরের ডিসেম্বরে রাজধানী উন্নয়ন কর্তৃপক্ষের উত্তরা ফ্ল্যাট প্রকল্পের ১০টি ভবনের ৮৪০টি ফ্ল্যাট ক্রেতাদের কাছে হস্তান্তর করা হবে। অবশিষ্ট ফ্ল্যাটের নির্মাণ কাজ দ্রুত শেষ করে তা হস্তান্তর করা হবে। এ প্রকল্পে ফ্ল্যাটের প্রতি বর্গফুট বিক্রয়মূল্য কমিয়ে চার হাজার ৫০০ টাকা এবং সুদের হার শতকরা ৯ ভাগ করা হয়েছে। গতকাল ৯ নভেম্বর বুধবার রাজউকের বোর্ডরমে ফ্ল্যাট ক্রেতাদের জন্য অনুষ্ঠিত এক খণ্ড চুক্তি অনুষ্ঠানে গৃহায়ন ও গণপূর্ত মন্ত্রী ইঞ্জিনিয়ার মোশাররফ হোসেন এ তথ্য জানান। সূত্র-ভোরের কাগজ (শেষ পৃ.,ক.৫), যুগান্তর (পৃ.৩,ক.২)।

১০। **৪৮ ঘন্টার মধ্যে টঙ্গীতে তুরাগ নদের ভরাট বন্ধ ও স্থাপনা উচ্চেদের নির্দেশ**

টঙ্গীতে তুরাগ নদে ভরাট বন্ধ এবং অবৈধ স্থাপনা উচ্চেদের নির্দেশ দিয়েছে হাইকোর্ট। ৪৮ ঘন্টার মধ্যে বিআইডিলিউটিএর চেয়ারম্যান, পরিবেশ অধিদফতর, পানি উন্নয়ন বোর্ডের মহাপরিচালক, গাজীপুরের জেলা প্রশাসক ও পুলিশ সুপার এবং তুরাগ ও টঙ্গী থানার ওসিকে এ নির্দেশ বাস্তবায়ন করতে বলা হয়েছে। গতকাল ৯ নভেম্বর বুধবার এক রিট আবেদনের শুল্ক নিয়ে বিচারপতি কাজী রেজা-উল হক ও মোহাম্মদ উল্লাহর বেঞ্চ এই নির্দেশ দেন। সূত্র-সংবাদ (পৃ.১,ক.৫), জনকর্ত (পৃ.১৯,ক.৭), এশিয়ান এজ (শেষ পৃ.,ক.৫), ডেইলি সান (শেষ পৃ.,ক.১)।

১১। **শহিদ নূর হোসেন দিবস আজ**

আজ ১০ নভেম্বর বৃহস্পতিবার শহিদ নূর হোসেন দিবস। বাংলাদেশে গণতন্ত্র পুনরুদ্ধারের আন্দোলন

সংগ্রামে এক অবিস্মরণীয় দিন। ১৯৮৭ সালের এই দিনে স্বেরাচার বিরোধী আন্দোলনে শহিদ হন নূর হোসেন। নূর হোসেনের এই আত্মত্যাগ তৎকালীন স্বেরশাসনের বিরুদ্ধে গণতন্ত্রকামী মানুষের আন্দোলনকে বেগবান করে। রাষ্ট্রপতি মো. আবদুল হামিদ ও প্রধানমন্ত্রী শেখ হাসিনা শহিদ নূর হোসেন দিবস উপলক্ষে পৃথক বাণী দিয়েছেন। সূত্র-ইফোক (শেষ পৃ.ক.৮), সমকাল (পৃ.১৯,ক.১), এশিয়ান এজ (পৃ.৩,ক.১), ডেইলি সান (শেষ পৃ.ক.৮)।

=8=

সম্পাদকীয়

- ক. ইন্ডিপেনডেন্ট, ডেইলি স্টার, ডেইলি সান, ইভেফাক, সমকাল, যুগান্তর, ভোরের কাগজ : ডোনাল্ড ট্রাম্প যুক্তরাষ্ট্রের প্রেসিডেন্ট নির্বাচিত হওয়ায় অভিনন্দন জানিয়ে বাকি বিশ্বের সঙ্গে সুসম্পর্ক গড়ে তুলতে ট্রাম্প যথেষ্ট সচেতন হবেন বলে অভিমত।
- খ. সংবাদ : বিজিএমইএ ভবন ৯০ দিনের মধ্যে ভেঙে ফেলার বিষয়ে আদালতের নির্দেশনা তুলে ধরে বিজিএমইএকে আদালতের রায়ের প্রতি শ্রদ্ধাশীল হওয়ার আহ্বান।
- গ. জনকর্ত্ত : ব্রাঞ্ছণবাড়িয়ার নাসিরনগরে সাম্প্রদায়িক হামলার ঘটনায় প্রকৃত দোষীদের খুঁজে বের করে দ্রষ্টান্তমূলক শাস্তি প্রদানে প্রধানমন্ত্রীর নির্দেশনা যথাযথভাবে বাস্তবায়নের প্রত্যাশা
- ঘ. প্রথম আলো : প্রধানমন্ত্রীর কার্যালয়ের গভর্ন্যাস ইনোভেশন ইউনিটের পক্ষ থেকে বাল্যবিবাহমুক্ত হবে ঘোষণা দেওয়ার কয়েকটি শর্ত পুরোপুরি না মেনেই জেলা বা উপজেলাকে বাল্যবিবাহমুক্ত ঘোষণার দ্বারা পরিসংখ্যান সৃষ্টি না করে বাস্তবে কাজ করার আহ্বান।
- ঙ. যুগান্তর : রাজধানীর মতিঝিল এজিবি কলোনি সংলগ্ন সড়কে অবৈধ বাজারসহ অন্যান্য স্থানের অবৈধ দখলদারদের বিরুদ্ধে কার্যকর ব্যবস্থা গ্রহণের সুপারিশ।
- চ. ইনকিলাব, নিউ নেশন : বিনা বিচারে ১৬ বছর ধরে বন্দি থাকার ঘটনা তুলে ধরে বিচার বিভাগের স্বাধীনতা নিশ্চিত করা গেলে এ ধরনের পরিস্থিতির অবসান হতে পারে বলে প্রত্যাশা ব্যক্ত।
- ছ. ডেইলি সান, ইন্ডিপেনডেন্ট : সমুদ্র সম্পদ আহরণ ও সুরক্ষায় আধুনিক নেতৃত্ব কার্যকর ভূমিকা পালন করতে পারে বলে অভিমত।
- জ. ডেইলি স্টার : মেয়েকে হয়রানী করার প্রতিবাদ করায় বখাটেরা পিতাকে নির্বাতন করার ঘটনায় জড়িতদের বিরুদ্ধে কঠোর আইনি ব্যবস্থা নেওয়ার আহ্বান।
- ঝ. নিউ নেশন : রংপুরের সাহেবগঞ্জের সাঁওতালদের জমি ফিরিয়ে দিয়ে স্থানীয় প্রশাসনকে তাদের নিরাপত্তা নিশ্চিত করার সুপারিশ।

উপ-সম্পাদকীয়

ইভেফাক পত্রিকায় প্রকাশিত কলামে সমাজের দুর্বল, দরিদ্র এবং পশ্চাদপদ গোষ্ঠী হিসেবে সাঁওতালদের স্বার্থ রক্ষা করার কথা সরকারকে ভাবতে হবে বলে উল্লেখ করা হয়েছে।

নিবন্ধ ও ফিচার

যুগান্তর পত্রিকায় প্রকাশিত ‘মানবিক গুণসম্পন্ন শিক্ষক চাই’ শিরোনামের নিবন্ধে ড. নূরুন নাহার বেগম উন্নত শিক্ষাগুরু হওয়ার জন্য উন্নত গুণাবলি দরকার, মনুষত্বহীন শিক্ষকরা কখনও শিক্ষার্থীদের মনিকোঠায় সম্মান নিয়ে বাঁচতে পারে না, বন্ধু হতে পারে না বলে অভিমত প্রকাশ করেছেন।

#

ডালিয়া/ফাহিমা/শুকলা/মরজিনা/রশীদ/২০১৬/৯.০০ ঘন্টা

